

a2^r

Zum Lefer.

Alfo haftu/ Günftiger Lefer/ der Juden/ weiland des aufferwelten volcks
Gottes/ Herlicheyten/ Kõnigreich/ vnd Fürftenthumben/ Auch jrs Gots
dienft vnd herlichen Tempels/ inn der aller mächtigften/ vnd in vil tau
fentmal taufent volckreichften ftate Jerufalem/ von jres gefchlechts/ vnd kriegs
fürften/ Jofepho/ warhaffte befchreibung/ Daneben auch/ wie fie auß ver
achtung aller Propheten/ ftraff/ leer/ warnung vnnd worts Gottes/ endlich
auch feines eingebornen Sons/ inn halßftarrige/ auffrührige vnfinnigkeyt vnnd
abfall wider ihre Oberkeyt/ darauß inn fo erbärmliche zerftörung/ Jamer/ todt
vnd not/ alle andere der welt Hiftorien übertreffend/ gerathen/ daß fie von der
fünd wegen/ aller follicher jrer hocheyt verfürzt/ Götlicher gnaden verftoffen

a ij

a2^v

Judifche

vñ beraubt/ auch jre nachkomēn inn alle land zerftrewt/ zu ewiger gefäncknus/
vnd elendt/ inn verdamlicher blindtheyt vnd verftockung/ aller welt zum Exem
pel vnd warnung fürgefellt. Vnd volgt hernach zum bechluß/ jrer elenden
nachkömling/ der jetzigen Juden vermeynter glaub/ fampt jhren blinden vnge
gründten Ceremonien/ Gefatzen vnd Gebotten. Der almechtig Gott gebs vns
zuerkennen/ vnd fein Götliche gnad/ daß wir ab frembdem ſchaden gewarnet/
zur befferung gedeien, Amen.

Der jetzigen Juden Glaub/ Satzungen/ Aberglaub/
Ceremonien vnd Gebott.

[Holzschnitt]

MOrgens fo der Jud auffftehet/ hat er fein eygen gebet/ lobet Gott fait/
daß er jm die augen hat auffgethan.

Hat auch fein ftatut/ das kein frommer Jud übergehet/ wie er ſich ſol
anlegen/ daß er das Hembt nicht åbifch anthû. Er ſol es auch fitzend anlegen
mit dem beth bedeckt. Kein Jud über dreizehen jar ſol barhaupt gehen.

Nach wâfchung der hând/ ſol der Jud ſich zu tiſch fetzen/ Aber nicht reden biß
ers brodt bricht (das noch gemeyn bei jn ift) vnd danck gefagt hat/ ſchneiden
das brodt an/ aber nicht gar/ brechens vollendt mit danck herab. Sprechen/
wer es gar abſchneidt vnd darnach Gott danckt/ der erzürne Gott. Nachdem
tiſch fagen ſie ſolchen legen heymlich/ ein jeder für ſich felbs.

Juden brodt
brechen

Sie loben erftlich Gott/ daß er ſie gefettiget vnd geſpeifet hat/ bitten daß er
ſie

a3^r

Chronic.

CXLI

ſie all ftund wölle ſpeiſen/ wölle ſich über Zion vnd den gefallen Tempel erbar-
men/ ſie vor armüt vnd betlerey behüten/ vnnd ſie bald erlöſen/ Daß er auch die
Heylige Statt wider erbawen wölle/ vnd ſie in das gelobt landt führen/ vnd das
joch der Heyden von jn auß gnaden ablegen/ Daß er ſeinen Segen über ſie ſchi-
cke/ vnd ob ſeiner beſchneidung halten/ gedencken an ſeinen Bundt/ mit Abra-
ham/ Jſaac 7c. getroffen. Daß er jn Heliam ſchicken wöll/ der ſie wirdig mach
zuerleben die zukunfft Meſſie.

Haben darnach vil leer wie ſie ſich den gantzten tag halten ſollen/ Keinen ſol
mann bei ſeinem zunamen nennen/ ſo mann in ſonft kennet/ vnd zunennen weyß/
Keiner ſol des andern ſpotten mit eynicherley honwort/ Sol auch keiner kein
ſcheuhe ab dem andern tragen/ er ſei arm odder reich/ dann das gantz Jſrael ſei
reyn vnnd heilig/ Aber eynigen Chriſten/ ob er ſchon klüg iſt/ ein ſchön werck
macht/ ſollen ſie nicht loben/ Auch ſo er ein Götlich güt werck thut/ als vmb Got-
tes willen geben/ ſollen ſie es jm zu güttem nit außlegen/ allzeit inngedenck des
ſpruchs Prouerb. xiiij. Die genad der völker iſt fund.

War iſt es/ ſie dörffen ſich wol freundlich ſtellen/ aber es gehet nicht von her-
tzen. Sie trawen den Chriſten ſo wenig/ vnnd halten ſie ſo für vnreyn/ vil weni-
ger dann wie ſie/ vnnd ſie für hund halten. Sie haben auch inn jrem Talmut/
mann ſol kein Chriſten inn Gottes namen empfaſen/ auch den frid nicht wün-
ſchen. Deßhalb die Teuſchen Juden pflegen zuſprechen gemeyniglich/ Sched
wilkom̄/ das iſt/ Teuffel kom̄. In Summa kein Jud wil eynichem Chriſten wol/
vrfach/ ſie halten ſie für vnrein/ nach inhalt jres Talmuts/ Was ſie jn güts er-
zeygen/ thun ſie nicht von hertzen/ fonder auß forcht/ ſich ſelbs hierinn ſüchend.
Haben vil leer der ehelichen pflicht halb/ keiner ſol mit ſeinem weib die er erzür-
net oder geſchlagen hat/ zuſchaffen haben/ biß er ſie zufriden geſtellet/ mit ihr
verfünet iſt.

Von der Juden Feſt vnd Feirtagen.

AM Freitag oder Vorfeſt nach Mittag/ eſſen ſie nicht biß der Sabbath ein-
gangen iſt. Daruor ſchneiden ſie die nâgel ab/ wetzen jre Meſſer kochen/
ſuchen jre feirtägliche kleyder herfür/ wâſchen auch jhre füß/ hând vnnd
haupt/ vnd ſo es ſchier tunckel werden wil/ leidten ſie den Sabbath mit ange-
zündten liechtern ein/ thun das feirtäglich kleyd an/ vnd bereyten den Tiſch/ Als
dann gehet ein jeder in die Sinagog/ betet den Sabbath ein/ ſenfft / rûwig/ one
forg/ als gebreche jm nicht/ vnd all ſeine werck ſeien außgericht.

So er dann alfo zuhauß kompt/ die Ampel angezündt/ den Tiſch bereyt findt/
kommen die kinder vnd encklen zum Haußuatter vnnd wünſchen ihm ein gütten
Sabbath/ ſo danckt er jn dann mit einem gütten jar/ vnnd mit auffgelegten hân-
den ſegnet er ſie mit dem ſegen Gen. xliij. Gott ſol dich machen wie Ephra-

im vnd Manaffe 7c. Dergleichen gehen auch all jung knaben/ fo mann auß der Sinagog geht/ erftlich zu dem Rabi/ der gibt jn auch difen legen/ mit auflegung der hãnd. Jft es aber ein meidlin/ fpricht er: Gott mach dich wie er Rachel vnd Lia gethan hat/ daß inn deinem namen alle vólcker gebenedeiet werden. Daher muß jhn difer kóftlich fpruch dienen. Darnach fetzen fie fich gerings weiß vmb den Tifch/ vnd der Haußuatter nimpt ein Kelch mit wein in die hand vnd fegnet den Sabbath ein/ mit befondern darzũ gefprochenen worten/ genommen aus Mofe Gen. 1. Etwa fingt er die wort mit lautter ftimm. Zu end fagen alle die ob tifch fitzen/ Amen. So gibt dann der Haußuatter einem jeden vmb den tifch auß dem Kelch zutrincken. Sagen auch difen legen am Sabbath inn der Sinagog über den wein/ vmb des willen/ ob jendert einer wer der folliches nicht

a ij

a3^v

Judifche

vermöcht/ kein entfchuldigung het. Darnach nimpt er das brodt/ danckt/ vnd gibts jn zu effen. Nach dem effen fie das beft fo einer vermag. Demnach thûn fie den gantzen Sabbath nichts. Sie follen auch an dem gantzen Sabbath gar nichts von weltlichen dingen reden/ handthieren 7c fonder nur auß der fchriff/ Aber fie haltens wie fie mögen/ Vnd vil mehr Ceremoni halten fie am Sabbat.

Aller Juden feel die fündig auß difer welt feind gefcheyden/ dife zeit des Sabbaths fo lang er weret/ haben rûw inn der hell oder fegfewr. Darumb geben fie dem Sabbath zû/ vnd fingen zu außgang den lxvij Pfalmē gar laut vnd lang/ oft auf ein ftund/ damit fichs lang verziehe/ vnd fie das wochen gebet anfahen/ fo bald ift der Sabbath auß/ vnd müffen die feelen wider gen hell.

Sie fingen auch am Sabbath ein jeder inn feinem hauß vilerley gefangs/ inn welchen den vólckern oft geflücht würt. Bitten daß Gott jn alle gûter vnnd reichthumb der Heyden vnnd vólcker (vnder die fie auch die Chriften zelen) geben wöll/ niessen vnd gebrauchen laffen/ vnd daß Gott die Amõniter vñ Moabiter mit fampt den Chriften/ welliche fie Edomiter nennen/ wölle außreuten vnnd verderben/ vnnd wölle ein groß bidmen/ angft vnnd zittern auff alle vólcker vnd Chriften außfchütten vnd erwecken/ daß fie das fchwert von Orient biß gen Occident verzer.

Darnach beten fie all wider alle Oberkeyt der vólcker/ Heyden vnd Chriften/ vnd nennen fie ein Gotloß vnd fchalckhafftigs Kõnigreich/ daß fie nicht widerfprechen können.

Von dem Feft der newen Monat vnd feinn
Ceremonien.

AVff diß Feft bereyten fich die Juden eiñ tag zuuor mit falten/ auff daß jn Gott eiñ frólichen newen Monat zûfchick/ feiren difen tag/ vnnd doch nit gar/ feind aber frólich/ fpilen vnd tantzen in freuden daran/ vnd fo der mon voll ift/ vngefährlich drei oder vier tag hernach/ verfamlen fich die Juden bey nacht in einem hoff/ etwa vnder dem Himel vmb fechs/ liben/ biß auff acht/ vnd fehen all fleißig gegen dem Himel. In dem fahet der gelertest an/ ein fchõn lobgefång: Gelobt feieftu Gott vnfer Herr/ ein Kõnig der welt/ der du mit deinem wort vnd mit dem geift deines mundts die himel vnd all jr heer befchaffen haft/ auch jnen ein gefatz vnd zeit geben/ daß fie jren befelch außrichten vnd nicht ver wandlen follen/ feind auch frólich vnd frewen fich darzû/ daß fie deinen willen thûn follen 7c.

Hie fpringen fie dreimal auff gen Himel mit allen krefften/ je höher/ je better/ vnd fprechen zu dem Mon/ Gelobt fei dein Schöpffer 7c. Gleich als ich gegen dir auffspring/ vnd kan dich nit erreychen/ alfo follen meine feind vor mir zûfchanden werden/ daß fie wie ein fteyn fchweigen/ vns nit befchädigen/ ja alfo groß dein macht ift/ fol forcht vnd angft auff fie fallen/ vnd wendt fich einer gegen dem an

dern (prechende/ Der frid sei über euch. Antwort der ander/ Der frid sei auff
euch/ frid.

Von dem groffem Felt der Juden/ das sie Paffach/
wir aber Oftern nennen/ genommen auß Exod. xij.

ERftlich müffen die erftgebornen knåblin allzumal den dreizehenden tag
des Monats Aprilis/ falten/ daß Gott nicht auch durch den (chlahen
den Engel jre erft geborne kinder getódt hat.

Nach dam raumen sie all jr gehefelt brodt auß dem hauß/ verbrennen folchs/
fagen/

a4^r

Chronic.

CXLII

fagen/ diß gehefelt brodt sei ein figur des Sathans/ den Gott zum jungsten tag also zerfchmeltzen werd/ bachen vngehefelt fladen/ brauchen darzû kein faltz/ nur wasser vnd mel/ Zu abent gehen sie in die Sinagog/ loben Gott daß er sie auß den banden vnd knechtſchafft Egypti erlöset hat.

Demnach gehen sie zuhauß/ da ist der tiſch gericht/ vnnd alles auff das köftlicheft zûbereyt/ mit silberin vnd güldin gefchirren/ die wend mit teppichen vmbhencket/ die bânck mit feidin vnd ſaſſatin küſſen vmblegt/ zûbedeuten die erlöfung von den händen Pharaonis/ vnd freie herrſchafft.

Weitter haben sie an ſtatt des rechten Ofterlâmlins vil kindiſcher Ceremoni vnd beſonder opffer/ daruon in Gott nit gebotten hat. Derhalben mit vergebens jr felt vnd opffer verwirfft.

Sitzen auch diſe nacht am tiſch biß zu mitternacht/ gântzlich der zûuerſicht/ jn mög diß nacht nichts leydts geſchehen/ darumb etlich jren glauben zubezeugen/ jre heuſer vnd keller offen laſſen ſtehn/ erzelen inn jrem gebet/ alle wunder werck die Gott jren vâtern auff diſe nacht erzeygt hat/ vnd hencken zu end daran den flûch der Chriſten/ mit außgetruckten Worten/ wider alle Oberteyt vnd Hauptſtätt der Chriſten/ daß sie Gott wöll vmbbringen/ vnnd auß jren händen erretten. Hoffen auch Helias werd auff diſe nacht kommen/ vnnd das Euangelium von dem zûkünfftigen Meſſia predigen. Haben auch hie ein kurtz gebetlin/ zu dem sie die thür auffthûn/ vermeynende Helias komme darzû. So hat ſich dann jr einer etwa verkleydet/ wüſcht also gehling inn die ſtuben/ gleich als ob er Helias were/ verkündiget jn das Euangelium von jhrem Meſſia/ ſeind also dahin kommen/ daß sie jr ſelbs ſpotten.

Diſe vnd dergleichen erdichte Ceremonien haben sie jn ſelbſt an ſtatt des ofter lambs eingefetzt/ dann sie ſchlachten das ofterlâmlin gar nit/ ſtreichen auch das blût nit über die thür. Auch ſeind sie nit gerüft mit vmbgegürtetem ſchwerdt vnd ſpieſſen in den händen/ wie sie in Moſe Exo. am xij. ein vorſchriſt haben/ fagen sie ſeien ſolchs nit ſchuldig/ dann im gelobten land.

Von der Juden Pfingſten/ Newen jar.

VOn dem leztſten achten tag der Oftern fahen sie an fünfftzig tag nach ein ander zuzelen auff Pfingſten.

An diſem tag ſtreuen sie graß in ir Sinagog/ heuſer vnd gaffen/ haben auch vil Meyen vnd krântz/ leben daran wol/ effen ſaft von milch/ fladen vnd ſüſſem ding/ zur gedächtnus des gefatzes/ das da ſüß/ klar/ reyn ſei/ wie diſe ſpeiß. Machen auch eiñ hohen dicken ſibenſachten fladen zur gedächtnus der ſiben hi mel vnd des hohen bergs Synai/ darauff jn Gott das Gefatz geben hab/ heyſſen auch darumb den fladen Synai.

Darnach am erſten tag des Herbtmonats/ haben sie jr recht new jar/ in wel-

chem Monat sie vil feyt haben/ vnd haltens gantzlich dafür/ Gott sitze an diesem tag zugericht/ welcher diß zukünftig jar sterben leben/ arm/ oder reich werden sol. Doch sei solcher beschluß vnd sententz bei Gott nit verfigelt/ biß nachzehen tagen. Darumb fasten vnd cafteien sie sich hart die zehen tag/ heyffen die zehen büß tag. Dann ob schon einer von Gott am neuen jar verordnet were zum tod/ bettel 7c. vnd er büß thut/ biß zum langen tag/ so ändert Gott sein vrtheyl über jn/ vnd ob er nit büß thut biß auff dieses feyt diß langen tags/ so henckt dann Gott den figel daran mit einem eyd/ vnd werde dann nit anders drauß/ vnnd sei das vrtheyl gefelt vnd der beschluß mit einem eyd verfigelt. Diesen langen tag feiren sie fleißiger dann den Sabbath mit vilen nãrrischen gebrãuchen.

Lange tag
der Juden

Am fünffzehenden tag des Herbstmonats/ das ist fünff tag nach diesem lan-

a iij

A4^v

Judifche

Lauberhüt-
ten der Judē

gen tag/ fahet an das feft der Lauberhütten/ genommen Leuit. xxij. Num. xxix. Welches mit allem feinem anhang neun tag weret.

In difer Lauberhütten effen vnd trincken fie acht tag/ etlich ligen gar darinn. Gehen all tag inn einer proceffion fcheibs vmb den Almenor/ vnd tregt jr einer die zehen gebott vor/ vnd jr jeder die vier obgemelten ftuck in feiner handt. Am fibenden tag gehen fie fiben mal herumb/ den vmbgang vmb Hiericho zubedeutē/ vnd fchreien faft zu Gott vmb hilff/ daß auch die Chriften vnd all jr feind al fo vmbfallen wie Hiericho/ fchreien faft Hofchianna/ hilff vns Gott. Zu morgens ftehen fie frů auff/ fo der Mon noch fcheinet/ vnder den freien himel mit bloffem haupt/ vnnd treiben dife fuperftition/ Sihet er feiñ fchatten/ fo ftirbt er diß jar nit vnd ift frólich. Sihet er jn nit/ fo ift es ein bedeutnus des todts.

Kirchweihe.

Darnach am fünff vnd zwentzigften tag des Wintermonats haben fie ir kirch weihe/ als fie zur zeit Mathathie/ den von den Griechen entweicheten Tempel zu Jerufalem wider weiheten mit freud vnd fig. Feiren diß feft nit recht/ fonder thůn die gantzen acht tag nicht dañ fpilen/ fchleñen vnd praffen. Beten an dem andern Sabbath des feftes vnder den andern mit außgetruckten Worten / daß Gott das Rómifch Keyferthumb außwurtzlen fol.

Dann wo die Juden vmb raach bitten/ vnnd flůchen über die Edomiter/ E^s fau/ Seir/ meynen fie allmal all oberkeyt mit fampt den vnderehonen des Rómifchen Reichs. Das wird kein Jud leugnen/ dann dauon feind all jhr betbücher vnd commentatores voll vnd einhellig/ Es fchreibt jr Talmut daß Titus vonn Edom geboren fei vnd herkommen. Derhalben fchelten fie das Rómifch reich Edomiter.

Vnnd ift in fomma/ all jr gebet dahin gericht/ daß der Chriften fcepter entwendt vnd zu nichten wird/ Dann all jre Scribenten fchreiben/ Diweil die E^s domiter das fcepter fůren/ das ift/ weil das Rómifch Reich ftehe/ können fie das fcepter nit überkommen. Darumb fie fich des Türcken figs gróßlich erfrewt haben/ in hoffnung/ es fol mit dem Rómifchen Reich auß fein. Dañ fo bald den Edomitern das fcepter genommen würt/ fo fol es an fie reychen.

Von der Juden Faßnacht.

DEmnach am viertzehenden tag des Hornungs/ haben fie jhr Faßnacht/ Purim genant/ falten am tag daruor/ fpilen/ effen vnd trincken den tag darnach im überfluß/ verftellen fich auch inn ander kleydung/ fprecken fprüch/ vnd feind noch vil narrechter dann die Chriften an jrer Faßnacht. Doch laffen fie folch kurtzweil vnder jn bleiben/ vnd fagt keiner auß der fchůl. Machen vil fűffer vnd feltzamer fpeiß. Wer difes Fefts vrfach lefen wóll/ der findt es im

Hefter Cap. viij. Jre jungen machen hültzin klopfen/ vnd wie wir über den Judas am Karfreitag raflen/ also klopfen sie über den Amman.

Von den Fafttagen der Juden.

DAs fasten ist mancherley bei den Juden/ etlich fasten all tag/ außgenommen die feirtag/ das ir etlich biß inn achtzehen vnd biß in das zwentzigst jar treiben. Etlich all abendt der newen monat mit sampt dem montag vnd donnerstag/ in der wochen/ wie jhener gleißner Luce xvij. Etlich an den tagen daran Moses/ Aaron vnd die Propheten gestorben seind.

Aber jr rechts fasten ist auß der schrift Zacha. viij. sprechend/ Also hat Gott der heerfcharen gesprochen/ das vierdt fasten/ das fünfftfasten/ das sibendfasten/

a5^r

Chronic.

CXLIII

ften/ das zehend faften würt im hauß Juda fein zur freud/ zur feligkeyt vnd gütem faften.

Nun die vierdt faften/ faften fie am fibenzehenden tag des Brachmonats/ vrfach/ Mofes hat an difem tag die fteynin tafel zerworffen/ auch d^o Manaffes ein Abgott in fancta fanctorum auffgftelt/ auch die maur zu Jerufalem vff difen tag zerbrochen worden feind. Dergleich vil vnvals fchreiben fie auff difen tag gefcheben fein/ das felb zubedencken/ faften fie gemelten tag.

Das fünfft faften/ faften die Juden am neunnden tag des Hewmonats. An difem tag gehen fie all barfuß/ vnd bleiben biß auff mittag in der kirchen/ fitzen kläglich auff der erd/ vnd fingen kläglich eitel klag gebet/ die Threnos Jeremie/ dann beyde zerftörungen des Tempels fein auff difen tag gefchehen.

Das fibend faften/ faften fie am dritten tag des Herbfmonats/ welches der fibend monat bei den Juden ift.

An difem tag fol erfchlagen worden fein Godolia iiij. Regum am letzften. Jhr jungen knaben haben an difem tag hültzin fchwerter/ zur gedächtnus des kriegs vnd zerftörung des Tempels.

Der zehend faftag ift am zehenden tag des Chriftmonats/ vñ ift auch eben der zehend monat bei jn/ Sagen an difem tag hab fich Nabuchodonofor für die ftatt Jerufalem gelägert.

Sie effen auch im jar drei wochen kein fleyfch aller ding/ vñ trincken kein wein/ fahet an am fibentzehenden tag des Brachmonats/ wert biß auff den zehenden tag des Hewmonats/ halten dife drei wochē fehr für ein vnglückfelige zeit/ daran es jn allweg fehr übel gangen fei. In difer zeit nimpt jr keiner kein beihel inn die hand/ befchliessen kein Ehe/ kommen vngern für recht/ vnnd bekennen fie haben im Hewmonat nimmer kein glück/ nemens auß Hofea dem fünfften capittel/ Jetz würt der monat jr theyl freffen. Dergleichen auch Jeremie am andern/ In jrem monat würt mann fie finden. Sie fchliessen darauß/ mann mög jn nichts arges thûn/ dann in difem monat. Faften auch alweg wann einem etwas böß trau met/ oder ein böß geficht gefehen hat.

Von der Juden fchlachten/ entädern/ Leich/ Begräbnus vnd andern mehr Ceremonien.

SO fie ein ochfen/ kalb/ oder vogel abnemen wollen/ müffen fie ein ftumpf/ doch fcharpff wolfschneidend meffer haben/ dem Thier die gurgel odder fchlundt in einem fchnidt abzufchneiden/ darff mit dem meffer weder haken noch hin vnd her ziehen Darauff haben fie vil fatzung. Wann fie ein vogel abnemen/ machen fie ein grublin in die afchen/ vnnd laffen das blût darein/ deckens mit der afchen zu/ vrfach zeygen fie auß jrem Talmut ein vngereimpt fabel an von Rebecca.

Als dann hencken fie das gefchlacht bei den hindern füßen auff/ ehe vnnd fie

es gar schinden vnd thun wampen/ kutlen vnd das ingeweyd herauß fleiffig be
lichtigen ob kein wasser beul/ truß an lung vnnd leber sei gewachsen/ daß nicht
faul vnd an einander gewachsen sei/ daß nicht geschwollen/ blutbeulen oder bla
tern hab 7c. als dann ist es vnreyn.

Kein hindertheyl essen sie on entädert von allen thieren/ darumb daß der En
gel dem Jacob sein schenckel verrenckt hat/ Genesis am xxxij.

Sie thun auch alles vnslit am hindern theyl hinweck/ vnd essen kein blut.

Einich ey thun sie weder an der feitten/ wie wir/ noch am boden auff/ fonder
all an der spitz/ darumb daß in etlichen eyern ein bluts tropff in der spitz gefun
den würt/ auff das/ wenn sie solchen finden/ sie das ey als vnreyn wegwerffen.

So

a5^v

Judische Chronic.

Juden leich
vnd begräb-
nus.

So ein Jud stirbt/ lassen sie tag vnd nacht liecht bei jm brennen/ vnd wachen. Bald schütt mann alles wasser inn vnd vmb difes hauß auß/ vrfach/ sie sprechen der Sathan wâch sein messer/ damit er jn vmbbracht hab/ auß dem wasser des selben hauß/ Mann nehet jn ein inn sein weiß kleyd/ so er den langen tag daruor hat angehabt.

Sein weib/ kind / freund/ weynen vnnd heulen sehr nach der leich biß zum freihof.

Da tret man jn inn ein heußlin/ legt jn auff ein tifch/ zeucht jhn wider auß/ vnd wâcht jn lauber vmb vnd vn̄ mit warmem wasser/ nemen ein ey vnd wein/ selben jn reyn damit/ legen jm sein weißkleyd vnd Tales wider an/ legen jn wider in sein farch/ mit sampt dem farch in das gemacht grab/ Sein freund müffen die erften erden auff jhn werffen/ darnach die andern alle. Dann muß sich sein nächster freund über das grab stellen/ vnd sein kleid zerreißen vor leyd. Demnach lauffen sie all schnell daruon mit großem getümmel/ sprechen/ so bald er vergraben vnd zugedeckt werd/ so beiß jn ein mauß in die naß/ dz er ein schrei thû/ Wer difen hör/ der muß hinnach in dreiffig tagen.

Juden beicht
bûß vnnd zehend.

Der Juden beicht ist alleyn Gott/ So einer ein so groffe fünd auff jm hat/ daß verzweiflung auff jn schlecht/ vnd er sich selbs nit trösten mag/ schreibt er solche sein fünd on namen auff ein zedelin/ schlechtes auff den stül des obersten Rabi. So dann diß der Rabi findt/ schreibt er jm trost vnd bûß auff ein andern zedel/ vnd legt es zu dem vorigen. Da findt dann der fündler befehedyd vnd abfolution. Jr bûß ist in eufferlichen sackkleydung/ gebet/ falten ꝛc.

Der Juden vil (nit all) zum groffen schein der frombkeyt vnd heyligkeyt/ verzehenden jren gewinn jren armen/ Daß sie aber jren eygen nutz suchen/ bezeugt jr eygen sprichwort/ Gib den zehenden vmb des willen/ daß du reich werdest. Ziehen solches auß dem dritten Capitel Malachie: Verfucht vnd probirt mich mit den zehenden/ ob ich euch nit überflüßig benedeiung an die statt geben wöll ꝛc. Also handthieren sie mit vnferem Herrgott/ geben Gott ein pfenning vmb neun die sie behalten. Das heißt Christus ein mucken feihen/ vnd ein Camel verschlicken.

So es dondert vnd blitzget/ Bettens gewonlich den ein vnnd neuntzigften Pfalmen/ seind frölich/ jres Messia wartend/ nemen es Efaie auß dem neun vnd zwentzigsten Pfal. Dominus in turbine ueniet.

Sie haben auch vil feltzam Ceremonien mit jrn kindbettern. Da laufft ein alt weib mit einem bloffen schwert vmb die kindtbett herumb/ all gepenft zuuertreiben.

Da man hat zelet vngefährlich taufent jar/ haben die Juden ein groffe walfart gen Regenpurg gehabt/ zu eim Juden Jehuha Chofit genant/ dem schreiben sie vil wunderzeychen zû/ wie er alles gewißt hab/ was allenthalben geschehe. Der hat sie leren andächtig beten/ mit gebucktem haupt/ vnd fol einer sein

groffe zehen an den fuffen bei famen halten/ vñ ein wenig in die erd ftecken/ doch
nit zu faft/ das bring groffe andacht vnd erhörung von Got. Dergleichen nar-
renwerck haben fie vnzâlich vil.

Getruckt zu Franckfort am Meyn/

Bei Chr. Egenolff.

M. D. LII.